



ЖОБА

«Самұрық-Энерго» АҚ
Директорлар кеңесінің
2016ж. «__» _____
шешімімен бекітілді
№ __ хаттама

КОРПОРАТИВТІК МЕНЕДЖМЕНТ ЖҮЙЕСІ

**«Самұрық-Энерго» АҚ-ның еңбек қауіпсіздігі және еңбекті
қорғау саласындағы саясаты**

С 01-02-11

Астана 2016



«Самұрық-Энерго» АҚ-ның еңбек қауіпсіздігі және еңбекті қорғау
саласындағы саясаты

С 01-02-11

2-редакция

10 беттің 3-ші парағы

Мазмұны

1. Мақсаты.....	4
2. Қолданылу аясы.....	4
3. Анықтамалар мен қысқартулар.....	4
4. Жауаптылық.....	5
5. Нормативтік сілтемелер.....	5
6. Жалпы ереже (Ниеті туралы өтініштер).....	5
7. Ұйымдастыру.....	7
8. Іс-шаралар..	8
9. Қорытынды ережелер.....	9

1. Мақсаты

1. «Самұрық-Энерго» АҚ-ның еңбек қауіпсіздігі және еңбекті қорғау саласындағы осы саясаты (бұдан әрі - Саясат) Қазақстан Республикасының заңнамалық актілеріне, денсаулықты қорғау және еңбек қауіпсіздігін қамтамасыз ету мәселелерін қамтитын халықаралық стандарттарына, сондай-ақ «Самұрық-Энерго» АҚ-ның (бұдан әрі - Қоғам) қызметін реттейтін ішкі нормативтік құжаттарға сәйкес әзірленді.

2. Саясат Қоғамның еңбек қауіпсіздігі және еңбекті қорғау саласындағы ұзақ мерзімді Даму стратегиясын іске асыру құралы болып табылады.

3. Саясаттың мақсаты Қоғамның компаниялар тобы бойынша өндірістік жарақаттанушылық деңгейін азайту, сондай-ақ еңбек қызметін жүзеге асыру барысында өлімге әкеп соқтыратын жазатайым оқиғаларды болдырмау болып табылады.

2. Қолданылу аясы

4. Саясат Қоғамға және дауыс беретін акцияларының (қатысу үлестерінің) елу пайыздан астамы меншік немесе сенімгерлік басқару құқығында Қоғамға тиесілі ұйымдарға (бұдан әрі – еншілес және тәуелді ұйымдар) қолданылады.

5. Осы Саясаттың дауыс беретін акциялары (қатысу үлестері) меншік немесе сенімгерлік басқару құқығында Қоғамға тиесілі еншілес және тәуелді ұйымдарға (бұдан әрі - ЕТҰ) қолданылуы елу және одан аз пайызды құрайды, басқа акционерлермен келісіледі.

3. Анықтамалар және қысқартулар

6. Осы Саясатта мына анықтамалар мен қысқартулар қолданылады:

- 1) Қоғамның Жалғыз акционері – «Самұрық-Қазына» АҚ;
- 2) Қоғам – «Самұрық-Энерго» АҚ;
- 3) ЕТҰ – «Самұрық-Энерго» АҚ-ның еншілес және тәуелді ұйымдары;
- 4) Қоғамның компаниялар тобы – «Самұрық-Энерго» АҚ және оның ЕТҰ-лары;
- 5) НҚК – негізгі қызмет көрсеткіші;
- 6) ДҚЖЕҚҚ – денсаулықты қорғау және еңбек қауіпсіздігін қамтамасыз ету;
- 7) ҚБ – Қоғамның құрылымдық бөлімшесі;
- 8) ЕҚҚБ – Қоғамның ДҚЖЕҚҚ мәселелерін қадағалайтын құрылымдық бөлімшесі;
- 9) ҚЖЕҚҚ – еңбек қауіпсіздігі және еңбекті қорғау қызметі;
- 10) жұмыс беруші – қызметкер еңбек қатынастарында тұрған жеке немесе заңды тұлға;

11) қызметкер – жұмыс берушімен еңбек қатынастарында тұрған және еңбек шарты бойынша тікелей жұмыс атқаратын жеке тұлға;

12) қызметкерлердің өкілдері – кәсіподақ органдары, оның бірлестіктері, ал олар болмаған жағдайда қызметкерлердің жалпы жиналысына (конференциясына) қызметкерлердің кемінде үштен екісі қатысқан кезде (конференция делегаттары) көпшілік дауыспен сайланған және уәкілетті сайланбалы өкілдер.

4. Жауапкершілік

7. Талаптарды енгізуе және осы Саясатты басқаруға Қоғамның ЕҚҚБ қызметін қадағалайтын басшысы жауапты.

8. Осы Саясатта көзделген шараларды ұйымдастыруға және басқаруға ЕҚҚБ басшысы жауапты.

9. Саясатты өзекті күйде ұстап тұруға ЕҚҚБ қызметкері жауапты.

10. ҚБ қызметкерлерінің осы Саясатпен танысуына ҚБ басшылары жауапты.

11. ҚБ қызметкерлері осы Саясаттың талаптарының сақталуына жауапты.

5. Нормативтік сілтемелер

12. Осы Саясат Қазақстан Республикасының мына заңнамалық актілерінің және Қоғамның ішкі нормативтік құжаттарының талаптарын ескере отырып әзірленді:

- 1) Қазақстан Республикасының Еңбек кодексі;
- 2) Қоғамның Ұзақ мерзімді даму стратегиясы;
- 3) Қоғамның Ішкі нормативтік құжаттаманы басқару қағидасы.

6. Жалпы ережелер (Ниет туралы өтініш)

13. Қоғам жұмыс істеп жатқан өндіруші қуаттарды жаңғырту және жаңаларын енгізу жөніндегі мемлекеттің ұзақ мерзімді саясатын іске асыру мақсатында құрылды.

14. Қоғам қызметінің негізгі түрлері Қазақстан Республикасында энергетикалық активтерді басқару, сондай-ақ бар өндіруші қуаттарды жаңғыртуға және жаңаларын салуға көмек көрсету, Қазақстан Республикасының энергетикасында жаңа технологияларды ендіру болып табылады.

15. Қоғам – Қазақстанның барлық салаларының орнықты дамуын қамтамасыз ететін тиімділігі жоғары энергиямен жабдықтау жүйесін қалыптастыруға бағытталған халықаралық энергия теңгеріміне табысты біріктірілген аса ірі көп бейінді холдинг.

16. Қоғам ДҚЖЕҚҚ саласындағы көшбасшылыққа бағдар ұстайды. Қоғам өзінің өндірістік қызметінде қызметкерлерінің өмірі мен денсаулығын сақтауға деген жауапкершілігін сезінеді.

17. Қоғам Компания қызметкерлерінің еңбекті қорғау және өндірістік қауіпсіздігі талаптарын сақтауға жеке және ұжымдық жауапкершілікті дамытып, ынталандырады; өзінің өмірі мен денсаулығына, қасындағы бірге жұмыс істейтін қызметкерлердің өмірі мен денсаулығына жауапкершіліктің озық тәжірибелерін мейілінше кеңінен ендіруді насихаттап, жүргізеді.

18. Саясаттың негізгі басымдақтары ретінде Қоғам мыналарды белгілейді:

- 1) өндірістік қызмет нәтижелеріне қарағанда қызметкердің өмірі мен денсаулығының басымдығын;
- 2) персоналдың жарақаттануы мен денсаулығының нашарлауының алдын алу;
- 3) кәсіби денсаулық пен еңбек қауіпсіздігі менеджменті жүйесін тұрақты жақсарту және оның нәтижелілігін арттыру;
- 4) заманауи жабдықтардың түрлері мен ұжымдық, жеке қорғаныш құралдарын қолдану есебінен қауіпсіздік деңгейін тұрақты арттыру.

19. Саясаттың басымдықтарын жүзеге асыру үшін Қоғамның мыналарды қамтамасыз етуге ниетті:

- 1) персоналдың біліктілігін тұрақты арттыру;
- 2) басшылардың және орындаушылардың еңбек қауіпсіздігі және еңбекті қорғау мәселелері бойынша жеке жауапкершілігін;
- 3) өндірістік тәуекелдерді анықтау, бағалау және реттеу, жазатайым оқиғалар мен кәсіби аурулардың алдын алуға бағытталған бағдарламаны әзірлеп, іске асыра отырып, еңбек шарттары бойынша жұмыс орындарын аттестациялау;
- 4) ДҚЖЕҚҚ саласындағы қызметке белсенді қатысуға, осы қатысуға ынталандыру шараларын жетілдіруге Қоғамның компаниялар тобының барлық персоналын жүйелі түрде тарту;
- 5) Қоғам қызметкерлерінің өндірісте қауіпсіз мінез-құлықтың тұрақты уәждемелік механизмін қатыптастыру, адамдардың өндірісте оқиғалардың пайда болуын болжай алу және олардың алдын алу дағдыларын дамыту;
- 6) еңбек қауіпсіздігі және еңбекті қорғау саласында озық білім мен дағдыларды ендіру;
- 7) барлық қолданыстағы және жаңадан енгізілетін үдерістер үшін еңбек қауіпсіздігі мен еңбекті қорғау мәселелерін енгізу;
- 8) барлық мүдделі тұлғалар үшін Қоғамның еңбек қауіпсіздігі және еңбекті қорғау саласындағы қызметі туралы маңызды ақпараттың ашықтығы.

20. Қоғам еңбек қауіпсіздігі және еңбекті қорғау саласындағы Қазақстан Республикасы заңнамасының талаптарына, сондай-ақ ДҚЖЕҚҚ саласындағы халықаралық стандарттарға сәйкес келуді міндетіне алады.

7. Ұйымдастыру



21. Қоғамда ДҚЖЕҚҚ саласында мақсаттарға жету үшін жауапты бөлімше (ЕҚҚБ) құрылды. Жауапты бөлімшенің нәтижелілігі Қоғамның ынталандыру жүйесімен анықталады (НҚК және мақсаттар картасы).

22. Қоғамның ЕТҰ-ларында еңбек қауіпсіздігі және еңбекті қорғау талаптарының сақталуына ішкі бақылауды жүзеге асыру мақсатында (өндірістік қызметті жүзеге асырған кезде) ҚЖЕҚҚ құрылады. ҚЖЕҚҚ өз қызметін ҚР Еңбек заңнамасына, Қоғам мен ЕТҰ ДҚЖЕҚҚ саласындағы нормативтік талаптарға сәйкес жүзеге асырады. Қоғамның талаптарына сәйкес, ЕТҰ-лардың ҚЖЕҚҚ кәсіпорындардың бірінші басшыларына тікелей бағынышты болуы тиіс.

23. Қоғамның ЕТҰ-да жұмыс берушінің бастамасы бойынша және (немесе) қызметкерлердің не олардың өкілдерінің бастамасы бойынша еңбек қауіпсіздігі және еңбекті қорғау бойынша өндірістік кеңес құрылады. Өндірістік кеңестердің жұмысы Қазақстан Республикасының еңбек заңнамаларына сәйкес жүзеге асырылады.

24. Қоғамның ЕТҰ-ларында еңбек қауіпсіздігі және еңбекті қорғау саласында тиімді және нәтижелі менеджмент жүйесін құрудың негізі ДҚЖЕҚҚ саласындағы халықаралық стандарттарда көрсетілген талаптарды орындау болып табылады.

25. Қоғам мен ЕТҰ бірінші басшылары Қазақстан Республикасының заңнамаларына сәйкес өндірістік жарақат алу оқиғаларына жауапты болады.

26. ЕТҰ-ның бірінші басшысы кәсіпорында ДҚЖЕҚҚ менеджмент жүйесінің жұмыс істеуі мен нәтижелілігі үшін, қызметкерлердің еңбегі мен жұмыс шарттарының жағдайы, өндірістік жарақаттанушылықты болдырмау бойынша жүргізілетін жұмыс үшін жауапты тұлға болып табылады.

27. Қоғам ЕТҰ бірінші басшысымен жасалатын еңбек шартында, сондай-ақ бірінші басшының лауазымдық нұсқаулығында мына міндеттер көрсетіледі:

- 1) кәсіпорында еңбектің қауіпсіз және дұрыс шарттарын қамтамасыз ету;
- 2) барлық жазатайым оқиғаларды тіркеу мен есепке алудың ашық жүйесін ендіру;
- 3) еңбекті қорғау мәселелері бойынша оқудан өту;
- 4) жазатайым (өлімге әкеп соққан/ауыр зардаптарға әкелген, топтық) оқиғаларды тергеу жөніндегі арнайы комиссияларға қатысу;
- 5) Қоғамның ДҚЖЕҚҚ саласындағы нормативтік талаптарын орындау.

28. ЕТҰ бірінші басшысының еңбек шартында/лауазымдық нұсқаулығында ұйымда ДҚЖЕҚҚ менеджмент жүйесінің нәтижелілігі және еңбек қызметімен байланысты жазатайым оқиғаларды жасырғаны үшін жауапкершілік көрсетіледі.

29. ДҚЖЕҚҚ саласындағы мақсаттарға жету үшін ЕТҰ-ның бірінші басшысы ДҚЖЕҚҚ-ның ұйымдастырылған менеджмент жүйесін құрайды, ол қызметтер мен міндеттердің нақты үйлестіруін, сондай-ақ өкілеттіктерді беру мен лауазымдық өзара қатынастардың тиімділігін қарастырады.

8. Шаралар



30. Қоғамның Жалғыз акционері «Өндірістік жарақаттанушылық деңгейі» НҚК белгіледі. НҚК-ны орындаудың бірінші кезеңі «Барлық жазатайым оқиғаларды тіркеу мен есепке алудың ашық жүйесін ендіру» болып табылады. Екінші кезеңі – еңбекке уақытша жарамсыз болғандағы жарақаттың жиілік коэффициентін енгізу (LTIFR). НҚК-ні орындау мақсатында Қоғам белгілеген мерзімдері мен жауапты тұлғалары бар барлық жазатайым оқиғаларды тіркеудің, есепке алудың ашық жүйесін ендіру бойынша іс-шаралар жоспарын әзірлеп, орындайды.

31. Қоғам ДҚЖЕҚҚ саласында іске асыру бойынша мына шараларды қарастырады:

1) Қоғам ЕТҰ Директорлар кеңесінің/Байқаушы кеңесінің отырыстарында еңбекті қорғау мәселелерін тоқсан сайын қарау (ЕТҰ бірінші басшысының есебі);

2) ауыр зардапты жазатайым оқиғалар орын алған кезде (топтық, сондай-ақ өлімге әкеп соққан/ауыр зардаптарға әкелген жазатайым оқиға) Қоғам ЕТҰ Директорлар кеңесінің/Байқаушы кеңесінің жоспардан тыс отырыс (ЕТҰ бірінші басшысының есебі);

3) өндірістік жарақаттанушылық деңгейін азайту бойынша іс-шаралар жоспарын әзірлеу;

4) ЕТҰ-ға занамазақ талаптардың, Қоғамның нормативтік құжаттарының орындалуын сақтау, анықталған бұзушылықтарды жою бойынша шараларды әзірлеу мәніне тексерістер жүргізу;

5) іс-шаралар жоспарының орындалуына тұрақты мониторинг жүргізу;

6) ЕТҰ ДҚЖЕҚҚ саласындағы құжаттарды келісу.

32. ЕТҰ-лар ДҚЖЕҚҚ саласында менеджмент жүйесі бойынша сертификатталған болуы тиіс.

33. Қоғам ЕТҰ-ның ДҚЖЕҚҚ саласында менеджмент жүйесін жетілдіру мен қолдау озық тәжірибелерге негізделеді.

9. Қорытынды ережелер

34. Осы Саясат Қоғамның Директорлар кеңесі Саясатты бекіткен күннен бастап қолданысқа енгізіледі.

35. ЕТҰ Директорлар кеңесіндегі/Байқаушы кеңесіндегі Қоғамның өкілдері осы Саясат негізінде қауіпсіздік және еңбек қорғау саласындағы Саясаттардың бекітілуін қамтамасыз етуі тиіс.